

Dato: 29. november 2022  
Kontor: Nordatlantkontoret  
Sagsbeh: Maise Biørn Jørgensen  
Sagsnr.: 2019-490-0144  
Dok.: 2655714

## MISSINGIUT

### **Isertitsivimmut inissinneqarneq pillugu Kalaallit Nunaannut nalunaarut**

Politiit atuuffiat pillugu inatsimmi, nr. 444, 9. juni 2004-meersumi § 11, imm. 5 malillugu, peqqussutikkut nr. 1320, 23. September 2022-meersukkut Kalaallit Nunaannut atuutilersinneqartoq, aalajangersarneqarpoq:

*Atuuffia*

**§ 1.** Politiit atuuffiat pillugu inatsimmi § 11 aamma 12 malillugit inuit aalakoortut politiit isertitsiviinut inissinneqarsinnaapput.

*Imm.* 2. Isertitsivik aalakoortunik inissiinermut atorneqartinnagu, uani nalunaarummi aalajangersakkat atuutissanngillat.

*Imm.* 3. Meeraq 12-it ataallugit ukiulik isertitsivimmut inissinneqaqqusaanngilaq.

*Imm.* 4. Meeraq 15-it ataallugit ukiulik taamaallaat isertitsivimmut inissinneqarsinnaavoq, meeqqap pissusilorsorera tunngavigalugu aatsaat inissiineq alla isumannaassutsikkut illersorneqarsinnaanngippat, tak. politiit atuuffiat pillugu inatsimmi § 12. Inissiineq aallaavittut akunnernik 4-nit sivisunerussanngilaq.

*Imm.* 5. Imm. 4 malillugu isertitsivinnut inissiinerit Rigs政治chefimut nalunaarutigineqassapput. Rigs政治chefi nalunaarutiginninnerit imarisas-saat il. il. pillugit aalajangersakkanik erseqqinnerusunik aalajangersaassaaq.

**§ 2.** Pineqaatissiissutit sakkukinnerusut, tak. politiit atuuffiat pillugu inatsimmi § 11, imm. 2 aamma 3, aalakoortumut imaluunniit allanut imaluunniit inuaqatigiinni tamat toresumiinnerannut imaluunniit isumannaassusaannut

Slotsholmsgade 10  
1216 København K.

T +45 7226 8400  
F +45 3393 3510

[www.justitsministeriet.dk](http://www.justitsministeriet.dk)  
[jm@jm.dk](mailto:jm@jm.dk)

ulorianaatilinnik pinngitsoortitsinissamut naammanngitsutut nalilerneqarpata, politiit aalajangissavaat inuk aalakoortoq kiffaanngissusiagaassanersoq makkua siunertaralugit:

- 1) angerlartitsineq,
- 2) allanut tunniussineq, pineqartumik illersorneqarsinnaasumik isumaginnissinnaasunut,
- 3) napparsimmavimmut inissiineq imaluunniit
- 4) angerlarsimaffimmut isumaginniffiusumut inissiineq imaluunniit assigisaanut.

*Imm. 2. Pineqaatissiissutit sakkukinnerusut imm. 1, nr. 1-miit 4-mut taaneqartut, pineqartumut imaluunniit allanut imaluunniit inuiaqatigiinni tamat toresumiinnerannut imaluunniit isumannaassusaannut ulorianaatilinnik pinngitsoortitsinissamut naammanngitsutut imaluuunniit tulluanngitsutut nalilerneqarpata, taava inuk pineqartoq isertitsivimmut inissinneqarsinnaavoq.*

*Inunnik aalakoortunik kiffaanngissusiianeq, angallassineq aamma politeeqarfinnut inissiineq*

**§ 3.** Inuk aalakoortoq politiit atuuffiat pillugu inatsimmi §§ 11 aamma 12 malillugit kiffaanngissusiiagaappat, taava politiit pineqartoq kiffaanngissusiiagaanermut pissutaasoq pillugu ilisimatissavaat aammalu taamaaliortoqarsinnaappat pineqartoq oqaaseqarnissamut periarfississallugu. Kiffaanngissusiianeq pisut aallaavigalugit sapinngisamik qajassuartumik ingerlan-neqassaaq.

**§ 4.** Inuup aalakoortup kiffaanngissusiiakkap peqqissusianik naliliinermi politiit eqqumaffigissavaat pineqartup attaveqarnermi siullermi qanoq issusia, tassunga ilagitillugu pineqartoq ajoquusersimanersoq. Tassunga atatillugu politiit ilisimannittuusinnaasut kiffaanngissusiiakkap qanoq issusia, sumiissimanera il. il. pillugit apersorsinnaavaat.

*Imm. 2. Politiit misissussavaat, kiffaanngissusiiagaq aalakoornartunik imaluunniit toquararnartunik il. il. paarisaqarnersoq, kiffaanngissusiaakkamit arsaarinnissutaasussanik.*

**§ 5.** Inunnik aalakoortunik kiffaanngissusiiakkanik politeeqarfimmukaassinerup nalaani politeeqarfimmi sulisusup piaernerpaamik nakorsamik aggeqqusissaaq kiffaanngissusiiakkap misissorneqarnissaa siunertaralugu. Taammaattoq tamanna atuutissanngilaq angallassineq sivikisunnaappat. Sumiiffimmi pineqartumi nakorsaqanngippat, peqqinnissaqarfik

aalajangersinnaavoq, peqqissaasunit allanit misissuineq ingerlanneqas-sasoq.

*Imm. 2. Politeeqarfimmut angallanneqarnerup nalaani kiffaanngissusiiagaq nakkutigineqaannaavissaq.*

*Imm. 3. Kiffaanngissusiiagaq politiinit akerlianik suaassusilinnik angallanneqaruni, sabinngisamik ikinnerpaamik politiini sulisut marluk pineqartoq angallassineq tamaat najussavaat.*

**§ 6.** Sillimasuusoq peqatigalugu politeeqarfimmut apuunnermi kiffaanngissusiiagaq piaarnerpaamik sillimasuusut aqutsisuannut sassartinneqqassaaq, takuulli imm. 3.

Kiffaanngissusiiakkap qanoq issusia aamma pissusilersornera pillugit paassisutissat attuumassuteqartut tamaasa tunuliaqtaralugit sillimasuusut aqutsisuata nalilissavaa, pineqartoq isertitsivimmut inissinneqassanersoq.

*Imm. 2. Politeeqarfinni sillimasuni aqutsisoqanngitsuni isertitsivimmut inissiineq pissaaq sillimasut aqutsisuannut saqqummiussereernermi.*

**§ 7.** Inuup aalakoortup kiffaanngissusiiakkap isertitsivimmut inissinneqannginnerani politiit pineqartoq qanigisaminut aamma/imaluunniit sulisitsisuminut attaveqarsinnaanera pillugu ilisimatissavaat. Pineqartoq pinerlunnermut atatillugu kiffaanngissusiiagaasimappat, Justitsministeriapi kaajallaasitaani nr. 9155, 18. marts 2010-meersumi malittarisassat, kingusinnerusukkut allannguutit ilanngullugit, atorneqassapput.

*Imm. 2. Pisut tamanna ajornartinngippassuk, kiffaanngissusiiakkap qanigisami aamma/imaluunniit sulisitsisumi ilisimatinneqarnissaannut noqqaassuteqarnera politiit isumagalugu naammassissavaat.*

*Imm. 3. Kiffaanngissusiiakkap noqqaassutigippagu nammineerluni oqarasuaatikkut qanigisani aamma/imaluunniit sulisitsisuni ilisimatissallugit, noqqaassuuteqarneq taamaattoq naammassineqassaaq. Taamaattoq tamanna atutissangilaq, pissutsinut immikkut ittunut naapertuutinngippat, assersuutigalugu kiffaanngissusiiakkap angerlarsimaffimminut imaluunniit sulisitsisuminut nalunaaruteqarnermini pinerluttulerinermeri misissuineq ingerlanneqarsinnaasoq akornusersorsinnaammagu.*

**§ 8.** Kiffaanngissusiiagaq 18-it ataallugit ukioqarpat, angajoqqaatut oqartussaasoq aamma inunnik isumaginnitqarfik kajumissaarisuunatik kiffaanngissusiianeq pillugu nalunaaruteqarfigineqassapput.

*Isertitsivimmut inissiinermi periuseq, tassunga ilagitillugit kiffaanngissusiiakkat nakorsanit misissorneqarneri aammalu isertitsivimmut inissinneqarsimasunik nakkutilliineq*

**§ 9.** Isertitsivimmut inissiinnginnermi kiffaanngissusiiagaq piaernerpaamik nakorsamit misissorneqassaaq. Sumiiffimmi nakorsaqanngippat, peqqinnissaqarfik aalajangersinnaavoq, misissuineq peqqissaasunit allanit ingerlanneqassasoq.

*Imm. 2.* Meeqqamik 15-it ataallugit ukiulimmik isertitsivimmut inissiinermi, tak. § 1, imm. 4, piaernerpaamik nakorsamit misissuineqassaaq.

*Imm. 3.* Kiffaanngissusiiakkap nakorsamit misissorneqarnissaata tungaanut, utaqqiisaagallartumik isertitsivimmut inissiisoqarsinnaavoq.

*Imm. 4.* Isertitsivimmut inissiigallarnermi kiffaanngissusiiagaq annertusisamik nakkutigineqassaaq, tak. § 15.

**§ 10.** Isertitsivimmut inissiigallarnissaq pitinnagu aammalu nakorsamit misissortinnissaq pitinnagu, kiffaanngissusiiakkap pigisai misissorneqassapput.

*Imm. 2.* Pigisanik misissuinermi kiffaanngissusiiagaq aningaasaataanik aamma pigisaanik nalilinnik arsaarneqassaaq kiisalu atortuuunik tamanik, imminut, inunnut allanut imaluunniit atortunut ajoqsiinissamut atorneqarsinnaasunik. Kaasarfiit tamakkerlugit imarneqassapput aammalu taanneqassallutik, tamanna periarfissaappat. Pigisanik misissuinermi sapinngisamik politiini sulisut marluk kiffaanngissusiiakkap misissuiffigineranut peqataassapput.

*Imm. 3.* Pisut tamanna ajornartinngippassuk, pigisanik misissuineq paqumisutsitsisinnaasoq, inunnit kiffaanngissusiiagaasup suiaaqatigisaanit taamaallaat ingerlanneqarsinnaavoq. Isertitsivimmut inissiinissaq sioqqullugu misissuineq taamaattoq ingerlanneqarsinnaanngippat, pigisanik misissuineq politiini sulisunik minnerpaamik marluusunit ingerlanneqassaaq. Isertitsivimmut inissiinissaq sioqqullugu misissuineq taamaattoq ingerlanneqarsinnaanngippat, imm. 2 malillugu misissuigallarneq ingerlanneqassaaq. Tamatuma kingorna kiffaanngissusiiagaasoq annertusisamik nakkutigineqassaaq, tak. § 15.

*Imm. 4.* Atortut kiffaanngissusiiakkamit arsaarinnissutaasut, allat kiffaanngissusiiagaasut atortunit pigisaannit avissaangatinneqarnissaat politiit isumagissavaat.

**§ 11.** Kiffaanngissusiiakkap nakorsamit misissortinnera nakorsamik/nakorsamik sillimasuuusumik aggeqqusinikkut imaluunniit nakorsiatarfimmi misissortinnikkut ingerlanneqassaaq. Sumiiffimmi nakorsaqanngippat, peqqinnissaqarfip aalajangersinnaavaa, misissortinneq peqqissaasunit allanit ingerlanneqassasoq.

*Imm.* 2. Nakorsamit misissortinnerup takutissavaa, kiffaanngissusiiagaq imatut qanoq issuseqartoq, isertitsivimmut inissinneqarnissamut naaper-tututinngitsumik, aammalu pineqartoq qanoq issuseqartoq, napparsimav-immi, nakorsamit imaluunniit assigisaani misissortinnissamut pisariaqartit-sisumik.

*Imm.* 3. Politiit taamaallaat nakorsamit imaluunniit peqqissaasunit allanit misissuisunit akuerineqarnikkut kiffaanngissusiiagaq nakorsaatinik tunisin-naavaat.

**§ 12.** Tunngaviusumik taamaallaat inunnik ataasiakkaaginnarnik isertit-sivinnut tamanut inissiisoqarsinnaavoq.

*Imm.* 2. Taamaattoq pisuni immikkut illuinnartuni inunnik suiaaqatigiin-nik arlalinnik isertitsivimmut ataatsimut inissiisoqarsinnaavoq. Taamaatto-qassappat inuit ulorianarsinnaassusiat pillugu immikkut naliliisoqassaaq, aammalu isertitsivimmut inissinneqarsimasut annertusisamik nakkutig-ineqassallutik, tak. § 15. Meeqat 18-it ataallugit ukiullit inuit kiffaanngis-susiiakkat 18-inik imaluunniit sinnerlugit ukiullit peqatigalugit inissin-neqarsinnaanngillat.

**§ 13.** Politiitut ilinniarsimasut akisussaaffigivaat, isertitsivinnut inissin-neqarsimasunik nakkutiginnilluarnissaq.

**§ 14.** Isertitsivimmut inissinneqarsimasunik nakkutiginninneq isertit-sivinnut isertarnikkut pisassaaq imatut akulikitsigisumik, inissinneqarsima-sut ataasiakkaat isumannaassusaannut qulakteerinninnissamut pisariaqr-titsineq naapertorlugu.

*Imm.* 2. Qitiusumik politeeqarfinni ulloq unnuarlut ingerlanneqartuni is-ertitsivinnut isertarluni nakkutiginninneq sapinngisamik akunnerit af-fakkaarlugit pisassaaq.

*Imm.* 3. Qitiusumik aammalu sumiiffikkaartuni politeeqarfinni ulloq un-nuarlu ingerlanneqanngitsuni, illoqarfimmi politeeqarfifiup inissisi-maqatigisaanni isertitsivinnut isertarluni nakkutiginninneq sapinngisamik ullormut 4-riarluni pisassaaq.

*Imm.* 4. Sumiiffinni ataavartumik politiinit kiffartuussiveqanngitsuni is-ertitsivinnut isertarluni nakkutiginninneq, illoqarfinni politeeqarfeqartuni isertitsivinnut inissinneqartunik nakkutiginninnerup assinganik sapinngisamik ingerlanneqassaaq, tak. imm. 3. Nakkutiginninneq kommune-foged-init imaluunniit inunniit Justitsministeriamit politiitut oqartussaatita-a-sunit ingerlanneqassaaq.

*Imm.* 5. Isertitsivimmut inissinneqarsimasoq nakorsamit misissortereern-erata kingorna isertitsivimmut isernikkut 2-riarluni alakkaneqarsimappat,

aammalu pineqartup qanoq issusia eqqarsaatigalugu nalilerneqarpat, isertitsivimmut isernikkut nakkutigineqarnissaa pisariaqanngitsoq, tamatuma kingorna nakkutiginninneq tusarnaarutit aamma nakkutiginninnermut atortut, Rigs政治的fimit elektroniskiusumik nakkutilliissutit akuerineqarsimasut, atorlugit ingerlanneqarsinnaavoq. Isertitsivimmut inissiineq aamma nakorsamit misisortinneq nakkutiginninnerunngillat.

*Imm. 6.* Tusarnaarutit aamma nakkutiginninnermut atortut aqqutigalugit nakkutiginninneq ima akulikitsigissaq, isertitsivimmut inissinneqarsimasup qanoq issusianut naapertuutissalluni aammalu akunnerup affakkaartumik ikinnerpaamik 1-riarluni pisassalluni. Taamatut nakkutiginninnerup nalaani isertitsivimmut inissinneqarsimasup qanoq issusia nalorninarsippat, piaarnerpaamik isertitsivimmut inissinneqarsimasoq alakkarneqassaaq isertitsivimmut isernikkut.

*Imm. 7.* Isertitsivimmut inissinneqarsimasumik nakkutiginninnermut atatillugu pasitsaanneqarpat pineqartoq ima napparsimatigisoq, isertitsivimmi inissiismaannarnissaq naapertuukkunnaarluni, taava piaarnerpaamik nakorsamik imaluunniit ambulance-mik aggeqquiosoqassaaq.

**§ 15.** Pisuni tulliuttuni isertitsivimmut inissinneqarsimasoq annertusisamik nakkutigineqassaaq:

- 1) Isertitsivimmut inissiigallarnermi, tak. § 9.
- 2) Isertitsivimmut inissinneqarsimasoq pillugu paasissutissat pigineqartut - tassunga ilagitillugit pinerlussimasut nalunaarsorsimaffianni paasissutissat aaneqarsimasut - tamatumunnga tunngaviliippata.
- 3) Pisuni, taamaallaat pigisanik misissuigallarnermik ingerlatsiviusimasuni, tak. § 10, imm. 3.
- 4) Meeraq 12-it aamma 15-it akornanni ukiulik allatut iliuuseqarluni isertitsivimmut inissinneqarpat, tak. § 1, imm. 4.
- 5) Inuit 2-t allatut iliuuseqarluni isertitsivimmut ataatsimut inissinneqarpata, tak. § 12, imm. 2.

*Imm. 2.* Annertusisamik nakkutiginninnermi nakkutilliineq imatut paasi-neqassaaq, isertitsivimmut inissinneqarsimasoq akunneq affakkaartumik 1-riarluni alakkaasarnermiit amerlanerusunik alakkarneqartarp. Pisut aalaavigalugit annertusisamik nakkutiginninneq piffissaq tamaat nakkutiginninnerusinnaavoq.

*Imm. 3.* Annertusisamik nakkutiginninneq taamaallaat pisinnaavoq politiitut ilinniarsimasup isertitsivimmut isertarneratigut, takuulli imm. 4.

*Imm. 4.* Sumiiffinni ataavartumik politiinit kiffartuussiveqanngitsuni annertusisamik nakkutiginninneq isertitsivimmut isernikkut, kommunefoged-

init imaluunniit inunnit Justitsministeriamit politiitut oqartussaatitaasunit ingerlanneqassaaq, tak. § 14, imm. 4, 2 pkt.

*Isertitsivimmut inissinneqarsimanerup kingorna iperagaaneq, maalaaruteqarsinnaanermut ilitsorsorneqarneq il. il.*

**§ 16.** Isertitsivimmut inissinneqarsimasoq iperagaassaaq, kiffaanngissusiagaanermut tunngavigineqartoq atuukkunnaariaannartoq.

**§ 17.** Isertitsivimmiit anisitaanerup kingorna kiffaanngissusiiagaasimasoq isertitsivimmut inissinneqarsimaneq pillugu maalaaruteqarsinnaaneranik, isertitsivimmut inissinneqarneq pillugu allakkatigut tunngavilersum-mik pissarsiinnaaneranik kiisalu aalakoornartumik atuisujunnaarnissaq pillugu aammalu ilaatigut katsorsarneqarsinnaanermut periarfissaa pillugit ilitsorsorneqassaaq.

**§ 18.** Pisut immikkut ittut tamatumunnga tunngaviliippata, pineqartup noqqaassuteqarnerata kingorna angerlaanneqartariaqarpoq, nakorsamukaanneqartariaqarpoq imaluunniit inunnik isumaginnittunukaanneqartariaqarpoq politiit pineqaatissiinerisigut.

**§ 19.** Rigs politichefi allaffissornikkut maleruaqqusaniq aalajangersaasin-naavoq politiit isertitsiviinik il. il. atuinermut tunngasunik.

*Imm. 2.* Sumiiffinni pissutsinut immikkut ittunut tamanna naapertuuppat, inuttaqarnermut, atortunut aammalu aaqqissugaanermut tunngatillugu, Rigs politichefi politiit pisortaanik eqqartueqatigeereernermigut aammalu Justitsministeriamit akuerineqareernikkut sumiiffimmi isertitsivimmut inissiineq pillugu malittarisassanik aalajangersaasinnaavoq, uani nalunaarummi § 1, imm. 2-mik, § 5-imik, § 6-imik, § 10, imm. 2-mik, § 13-imik aamma § 14, imm. 1-miit 3-mut saneqqussisunik.

*Atuutilerfissaat*

**§ 20.** Nalunaarut atuutilissaaq ulloq 1. januar 2023.

*Justitsministeria, ulloq [...] 2022*

/ Marie Green